

中國方志叢書·華中地方·第四三五號


據元·楊諱撰

清宣統元年刊，葉刊太倉縣志

影印

江蘇省

至正崑山郡志



成文出版社有限公司印行

5/14/08



10098049

中華民國七十二年三月臺一版

至正崑山郡志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一〇（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

新學網
PDG

寶
山
藏

生
苑
齋

崑山郡志序

崑山州楊才抱其先人履祥公所著州乘凡二十二卷因其友袁華謁于錢塘曰先君嘗以州之志籍多散漫疎漏更而新之積勞於是者蓋十餘年而獲成此編今州監李羅帖木爾將以壽諸梓吾子與才裔全出浦城文公十葉後幸惠一言引諸首余謂金匱之編一國之史也圖經一郡之史也士不出門而知天下之山川疆理君臣政治要荒蠻貊之外類由國史之信也不入提封而知其人民城社田租土貢風俗異同戶口多少之差由郡史之信也然則操志筆者非有太史氏之才孰

崑山郡志序

十

得與於斯乎吾曩入吳竊見公所著宋朝著龜之錄凡若干卷今之修史者購之而未得也又口帝王圖辨素王道史姓氏通辨行於時吁公之博學有史才可口矣宜其成是書也立凡勑例言博而能要事核而不蕪與前邑志不可同日較工拙也且吾聞崑山自縣陞州戶版輿地利日增租賦甲天下州郡縣市賈之舶萃焉海濱之艘出焉庸田水道之利害在焉忠臣烈女代不乏絕鴻生碩士爭爲雄長不有史才者出而任筆削何以爲是州之信史哉吁是書之得託者口幸矣故余不辭爲之敘抑予又聞公所著著龜爲採書使者賺而去之

而賞爵罔及焉此才之不平而公九泉之憾也故併敘及之公諱諱字履祥東溪老人其自號云至正四年秋七月泰定李黼榜賜第二甲進士會稽楊維禎敘

崑山郡志序

二

崑山本縣也元成宗元貞二年升縣爲州故履祥此書有郡志之名延祐中移州治於太倉故中有新治舊治之別新治今太倉州城舊治則今縣也至正中仍徙州舊治則履祥已不及見矣鐵厓序稱二十二卷今按之止六卷首尾完具豈鐵厓所見乃別本邪此書世罕傳本嘉慶丁巳十月假陳妙士孝廉所藏舊鈔本讀之歎其簡而有要因綴數言於末竹汀安錢大昕至正辛巳監州李羅帖穆爾續修志乘聘楊謨履祥纂修書凡六卷簡而有法謨蓋本州人其子才與會稽楊廉夫同爲浦城文公十葉孫故廉夫撰此志序文稱才

崑山郡志後序

三

爲崑山州人也謨自題曰浦城蓋據舊貫言之嘉慶乙丑正月嘉定錢大昕手校於得自怡齋時年六十有二此志成於至正年間故題爲至正崑山志云

右書六卷先祖可廬徵君手鈔本也迺玉峯之舊志爲金匱所未收綈裘珍藏丹黃斯在道光丁未冬月沈觀察匏廬先生介陳恬生孝廉借錄是稿師璟因得拜見於龐山官舍以年家子命隨侍讀書并校刻徵君兩漢書辨疑四十二卷知己之感不僅如唐人所云門館受恩也師璟無似弗克紹承家學而飲水思源情何能已比來投縞贈紵吉叶得朋集腋而成壽諸黎棗樂新知

於簪裾結古懽以文字萃登姓氏益跂落岑書中有自來脫誤字句謹從蓋闕之義以俟博雅君子惟孝廉墓有宿草未及一見此書之流行是則觀察與師璟不能無山陽聞笛之悲矣刊成爲識緣起如此咸豐元年十二月錢師璟書

崑山郡志後序

四

崑山郡志目錄

第一卷

風俗

山

坊

園亭

堂
樓
附
軒

冢墓

古蹟

第二卷

名宦

封爵

第三卷

進士

第四卷

人物

崑山郡志目錄

五

第五卷

人物

釋老

第六卷

土貢

土產

雜記

異事

崑山郡志卷一

元浦城楊諱履祥纂

風俗

崑山自昔號壯邑事最繁劇仍太伯季札之風崇尚禮遜無復好劍多鬪之舊其民務耕織有常業多奢少儉競節物信鬼神歲節山寺有歲懺會一月士女駢闐車蓋相屬上元取鐙於郡有萬眼羅琉璃毬者甲天下鐙月交輝歌管間作喧咽道路以糖糰春蠶爲節食爆糯穀名亭婁人各自爆以下一歲之休咎二月望景德寺有涅槃雙林會尤盛自三月旦爭朝嶽祠四月浮屠浴

崑山郡志卷一

一

佛遍走閭里八日尼寺設飯茶供名無礙會望日慶山神誕縣迎神設佛老會以祈歲事里巷以伎樂送神自山塘至邑前幕次相屬紅翠如畫它州負販而來者駢集後二日觀角觝於山西八月望西津觀潮官設酤於閭潮館綵旗迎潮觀者如堵十月朔謁墓如寒食不賀朔謂之鬼節俗重冬至親朋饋送交馳於道臘月二十四日祭竈婦女不與二十五日食赤豆粥下至婢僕猶犬皆有之有出外者亦分及名口數粥是日爆竹驅儻田家燃炬名照田蠶歲節祀先用除夜焚蒼朮辟瘟丹家人酌酒分歲夜分祭瘟鬼易桃符向明打灰堆飲屠

蘇此一歲風俗之大畧歲節冬至縣官率邑之寓賢士

友聚拜於學之明倫堂會茶而散禮儀雍雍可親始自

樂菴李公行之後縣令項公澤又置田租以充所費云

玉峯志 己而富家巨室公私交困率多替徙市井蕭條如

歲懺迎神雙林無礙會皆僅存其名其取鐙於郡與角

觝觀潮等不復見矣續玉峯志歸附後世變風移不能

無異矧今新治舊本墟落居民鮮少海道朱氏剪荆榛

立第宅招徠蕃舶屯聚糧艘不數年間湊集成市番漢

間處閭閻混居各循土風習俗不一大抵以善貿易好

市利尙虛禮美呼稱男子自幼卽襲大人衣帽逮長不

崑山郡志卷一

二

復冠其信鬼則又加於昔病或不事醫藥唯聽命於神祈賽施捨竭產不悔其朝嶽祠者比屋舉家歲往常熟之福山朝五通者遠至婺源之靈順凡有迎引競巧爭奇尤爲奢靡及文運肇興科舉薦復人皆知讀書爲貴弦誦之聲遍於閭里風俗爲之大變云

山

郡以山得名其山今隸華亭吳地記云陸氏之祖葬於此因生機雲皆負詞學時人以玉出崑岡而名焉今舊州主山蓋馬鞍山云

馬鞍山在舊治西北三里高七十丈上下前後皆擇

勝爲僧舍雲窗霧閣間見層出吳人謂眞山似假山也

坊

忠政坊趙忠簡府前

狀元坊石浦

通德坊鄭大資府前

園亭堂巷軒樓附

士大夫生當其時則享園池之樂時之往也昔日繁華之地果安在哉將不免雍門周之諗乎故園亭雖廢亦書俾觀者有所警省

崑山郡志卷一

主

園圃

孫氏園在舊治北

翁氏園在舊治西

陳氏園在舊治南

洪氏園在舊治東並清祐以前廢

鄭氏園在舊治西北馬鞍山前海陵史君竦建繼又

創退耕堂水竹環茂可容數十客榜寮張卽之書

扁西礪葉丞相書廳之扁曰玉峯佳處園內西南

又有道院庭植洛花數百本皆吳中所無者今廢

陳氏園在舊治東本洪氏小園後歸澹軒史君陳昌

世恕齋洪端明堂扁以四時佳景澹軒子師尹號石巖增創寬潔有堂曰光風霽月與鄭園退耕不相上下

衛氏園在石浦文節公後樂之地其後子姪各有園今並廢

陳氏園在漳潭水竹寬潔亭館宏麗東浦黃簡記徐聞詩書

盛氏依綠園在高墟

自鄭園以下並今廢

放生池在清眞觀石千里書扁御筆有碑邑宰項公澤跋

崑山郡志卷一

四

東禪寺後圃池上茅亭吳仁傑取杜詩可以賦新詩之句名曰可賦范石湖多游息其中

崑山亭邑人趙善訓史君所居距馬鞍山之陽二百弓而限以小溪吳仁傑取元次山溪以浯名旌吾獨有之句名曰吾山

玩芳亭邑人吳仁傑所居

自茅亭以下並舊廢

風雲竹月二亭在普照觀前

墨妙亭顧氏西園之亭也軍器司提舉顧信建在今三皇廟後中藏時賢趙文敏公子昂親札石刻甚富

逸野堂邑人王僖所居僖所試不第以讀書自娛鄉里推重教其姪孫葆爲名儒堂廢舊十六觀堂卽其地或云非也

友順堂邑人衛文節公涇所居也涇未貴時與兄弟讀書於其間後功名各成乃招師教子弟於此宋甯宗親灑宸翰書扁賜之今廢

棲閑堂邑人龔昱所居也後廢

四賢堂在邑人李潛家潛之祖衡爲御史時以論張說去國同時得罪者王希呂周必大莫濟莊治作四賢詩以美之潛乃訪求三賢遺像配以其祖置

崑山郡志卷一

五

堂于家名曰四賢後堂隨宅售唯存繪像

喜廉堂在邑人陳吏部昌世家吏部自信守召爲郎

天語有一廉可喜之譽遂以名其堂

承訓堂在邑人鄭史君準家其子高郵守端葺而居之自謂不墜先訓故以名堂

止足堂在邑人鄭史君疎家史君薄於榮進家食踰十年不復作宦游想就其家西南築宅一區取知止知足之義以名堂西澗葉丞相書扁

傳清堂在邑人陳令君明復家蓋取其祖父清白相傳之義訥軒程丞相書扁

自喜廉堂以下並歸附後廢

資深堂在橋隱處士秦鼎家趙文敏公子昂書扁樂菴在舊州東六里圓明村侍御李衡歸老地也今廢

疊浪軒在馬鞍山北華藏教院下瞰湖濱一碧千頃詩人名公往往觴詠于此今湖皆爲田不復見舊觀或解扁字爲車干水宜良田云

滄江風月樓惠安樓二樓並在北巷口西舊酒館也養壽樓在顧文安家趙文敏公子昂書扁

高節樓在袁德家德母陳氏生德及三女年二十七而寡義不再適以勤儉守家保育諸孤皆能成立

崑山郡志卷一

六

其甥茅德潤與士大夫游共美其行相與揭其樓扁曰高節以旌之廣德錢治爲之記

冢墓

吾邦四郊無曠土先賢故壟唯一郝氏他無聞焉如天女黃旛綽二墓出於傳疑又不足信其取斷碑如巴王卜將軍雖不見史傳然復著地名並存廟祀姑用以備數焉

古巴王墓在朱塘鄉今有廟農人墾土得斷碑云彭府君墓在巴王墓南由是知廟下必有墓但不詳巴王爲何時人

唐卜將軍墓在舊州卜山下嘗有人於廟下菜圃朱四郎家得斷碑畧云府君姓卜名珍字文超西河人也春秋六十有六以寶曆元年終葬於崑山西鹿城鄉界卜山禮也銘曰森森古柏宛轉龍岡孤雲垂蓋日月懸光千秋萬古嗚呼夜長

宋郊朝散墓在郡郭韓涇北官路東今夷爲民居神道路石柱具存冢上露石碣云三十朝散之墓按當是升卿冢今謂其地曰大夫墳又有二壠在賈堽門北

劉龍洲墓在慧聚寺東齋後詳見人物門

崑山郡志卷一

七

古蹟

遺蹟所以存古不以其已廢不書唯龍柱及天書已見各條下更不重出

慧聚寺大殿佛像及西偏小殿毘沙門天王像并左右侍立十餘神皆凜凜有生氣塑工妙絕相傳爲楊惠之所作惠之初學畫見吳道子藝甚高乃更爲塑工遂以能名天下此像或又云張愛兒所作龍圖閣學士徐林山雅嘗歎其妙而大殿三世佛已爲庸僧妄加塗飾天王像綵色亦已故暗乃題殿壁云慧聚寺古塑天王予連日觀瞻徘徊不忍去一綵女尤勝

絕絕與顧愷之畫相類按此寺成於大中年塑者得非楊惠之流乎今大殿龍像再加綵畫古意已索然予懼無知者又將脂澤汚圭壁使唐人遺蹟掃地將歎恨莫及故書以志之初寺以此像及山半普賢像與涅槃圖爲山中三絕洎熙間寺焚殿皆燼惟普賢像爲一僧背負而逃

慧聚寺殿前二樓曰經臺鐘臺扁皆李後主所題洎熙間寺焚臺亦廢

高麗國進陰陽柏雨株高纔二三尺高宗以賜王綯綯種於永懷寺殿庭之左右寺綯之祖審琦香火

崑山郡志卷一

八

院也後柏長高與殿齊每歲左花則右實右花則左實

洎熙間華亭縣居民浚河得一碑云天寶六載黃池縣令朱氏葬於崑山縣全吳鄉孔子宅之西南今孔子宅乃在華亭七十五里海隅鄉今其地有孔子廟在惠日寺側當熙間寺疏畝渠得寶玉凡六事三璧二環一簪今藏之縣庠舊圖經云昔有姓孔者游吳居此華亭元屬崑山豈古全吳鄉廣於今耶今崑山全吳鄉無所謂孔宅者

柏家灘宋末南渡時水底尙有民家階甃遺址此古者民在圩中住居之舊蹟也

野鴨段大泗段港段及和尚圍盛熟圍並在州西皆

田圍名或謂之段或謂之圍也二事並見郝宣水利書

光緒壬寅東倉書庫依嘉定錢氏本

崑山郡志卷二

元浦城楊謨履祥纂

名宦

嘗觀蘇子作遠景樓記自美其州之俗有近古者三其一謂太守縣令則記錄其行事以爲口實至四五十年不忘予竊謂吾州俗之近古者豈止於三守令書之圖經將傳數千世豈止四五十年而已哉然梁適謝深甫葛洪皆宋宰執嘗爲令丞尉具見題名而舊志不書於名宦豈無所建置故耶僕今蒐羅史傳自吳以下嘗官於此者口皆補錄以追簡遠之責云

吳顧雍字元口吳郡吳人嘗從蔡邕學琴書謂其必有成效州郡表薦弱冠爲合肥長後轉在婁曲阿上虞皆有治蹟累官至丞相

宋祖沖之字文遠稽古有機思解鍾律博塞嘗改何承天麻法姚興指南車及造欹器又體木牛流馬造一器不因風水自運孝武時歷婁縣令

梁吳郡陸慶少好學通五經尤明左傳節操甚高仕爲婁縣令以善政聞陳天嘉初徵不至永陽王欲與相見不往後於其宗人陸榮家穿壁得一觀之

陳殷不佞字季卿居喪以孝稱好讀書尤長于束術梁

承聖初爲武康令有惠政孝武受禪除喪令

唐王嵩幽州人王適之父也爲崑山丞

萬齊融越州人爲崑山令與于休烈賀朝包融爲文

詞之友齊名一時

李案太宗第十子紀王慎之玄孫爲縣令

王綱以大理司直充縣令政務化民始建縣學

孟庭份爲尉郊之父也能詩生郊於此後以詩名於

世

權立爲主簿德興之從兄敏於學行薄於宦名德興

嘗作序送之

崑山郡志卷二

王

劉綺莊爲尉研窮今古博考傳記作類書百卷行於

世名崑山編

宋邊倣雍熙初爲令因舊地新作夫子廟自是縣學復

興時錢氏初納土倣首爲宰而有賢行上賜璽書

獎勞

梁適字仲賢鄆州須城人顯之子也眞宗朝以獻書

授秘書省正字舉進士改太子中允知淮陽軍官

至丞相

大昭按東都事畧未見爲崑山令

張方平景祐初爲令時吳越歸國未久前豪民占田

者多積訟有數十年不決者公召問所輸租稅幾

何大率百纔一二乃悉收其羨田以賦貧民訟亦

息時蔣堂希魯守郡得公所著芻蕘論上之遂薦舉

賢良科後至宰相

韓正彥字師德魏公之姪嘉祐中爲令勑石堤疏斗

門作塘七十里以達於郡得膏腴田數百頃又請

以輸州之賦十三萬從便輸於縣鳩作塘餘材爲

縣倉以儲之民大悅比去遮道以留爲立生祠作

思韓記饒石祠下

張漢之爲令其父兩爲憲漕五領郡符而家極清貧

漢之政務寬厚尤緩於索租邑人戲爲言曰渠家

崑山郡志卷二

王

自來無此故不欲與人索也

潘友文字文叔東萊先生之友爲政寬厚慈祥愛人

俗呼爲潘佛子秩滿爭結綵樓於路號曰去思植

桃於山題詠甚多

王萬樞韶之曾孫遂之父爲尉得海盜盜格吏請出

郊以應親獲之文萬樞據實卻之其有守如此

陳璧字君玉爲主簿留意教養作成士子講論勸勉

不憚其勞邑人造問者無虛日所成就極多

程沂字詠之西洛人文簡翁之曾孫伊川先生頤之

姪也紹興間以右通直郎知縣事爲政中和有古

循吏風嘗修縣庠張無垢爲記欲鐫之石或謂其託此以諷朝士尋已之

謝深甫天台人爲丞霄宗朝拜右丞相

葛洪爲尉理宗朝拜僉書樞密院事

項公澤字德潤永嘉人淳祐間自長洲丞辟宰崑山縣令自李杲滿秩更十三任不以善去公澤自童

科擢第以文學飾吏事留意學校買田養士爲政廉敏百廢具舉多所增創秩滿造朝嘗口國子宗

正知安吉州

吳堅字彥愷天台人淳祐中爲簿留意教養詣學講

崑山郡志卷二

四

肆無虛日以厚風俗正人倫明義利開姦邪爲先務在任多所增創後累登清要德祐末年拜左丞相京城降爲祈請使入大都

本朝王安貞字吉卿彰德安陽人以中書僉寫補浙西帥府掾至元二十九年授將仕郎浙省理問知事元貞初遷從仕郎台州經歷江浙省答刺罕丞相勾補省掾大德七年改承事郎温州永嘉縣尹平反張明一等冤獄全活二十三人正偽造鈔曹元三之罪民大悅服至大三年擢奉訓大夫工部主事銜命江西省拯治錢糧事畢除宣徽院都事

再命與速古兒赤哈只必闡赤汪古充深入怯

魯連迄北計點達達戶計以功陞朝列大夫崑山

知州既任適州初遷公衙以下百未一具以舊郭

民不樂遷所合建置存舊營新其所創置分見各

門且善於規畫民不知擾始終以教養恤民爲意

秩滿改授饒州路治中

那懷本蒙古貧吉刺氏泰定初以武德將軍爲達魯

花赤時州遷一紀公廨未建公卽募各保里正量

其事力分占名項出財營造使人有術民皆樂從

且有巧思指畫間架良匠不能踰其度所役夫工

崑山郡志卷二

五

皆吏貼及轡卒輩雇覓間用警跡役徒故雖營造

盛興居民無擾其所創建備具志中先是上司官

至器皿鋪蓋悉假於豪民當坊役者不勝勞擾於

是以公罰錢造銀器數百事紳縉縻褥口數十條

其適用什物莫不畢備名件備見州廳石刻公雖

目不知書而凡所涉歷終不遺忘敬儒重老人以

是推之秩滿改授福甯州達魯花赤

姜復昌號漁所宋死節忠臣淮東都統才之孫也父

文龍歸附後因官居嘉興遂爲嘉興人泰定初復

昌以敦武校尉爲州判官先是知州錢也先伯泛

差協濟戶不預定姓名隨所逮得方填文引農民不敢出市下保勾攝在所抗拒殊失官府氣象及公蒞任雖居末位出身任事拯治一新及津助法行以廉幹摘委與省委官覈實民產酌量助役輕重得宜抑強扶弱放免小戶里正一百十三名邦民稱頌殆不容口薦膺省委覈湖州僧田助役咸愜輿論公循常氣貌和粹及政有不便執理力爭辭色不少假雖長官獷悍亦爲之下性尤不事虛飾湖州助役回反叱咤滿祖帳加倍於常皆約以遠日夜潛移舟去士民追餞不及而反次倅瑞安

崑山郡志卷十

木

亦多政蹟

入資刺字思齊畏吾人民以世祿歷侍儀使至元丙子任監州爲政警敏理斷詳審民皆慍服疑辭寃訟多所平反性尤好士日延接不倦先有僉人睥睨學廩將郡庠諸生屏斥一空且立石公堂絕其復籍蹊徑前監郡德安仁賢有文推誠待士深念其寃欲復之以丁艱不果迨公至廟學廢益甚躋彼公堂加入無人之境公惻然曰設學校以養士風化之本也逐士毀學非盛世所宜舉廢興復其有司之責乎卽度材鳩工遴選廉幹吏王復初典

史陳大年重修文廟鼎建採芹亭彩繪髹漆甃砌版築不踰時煥然一新遂復諸生籍毀黨錮碑作起儒風民俗大變復建州廨後堂皆不擾而辦工甫畢卽解綬去祖帳盈途自謙樓至西關不絕士庶攀留脫靴截鐙幾不容去

勃羅帖穆爾字存中號一齋唐兀人氏祖忽刺出銀青榮祿大夫湖廣省丞相父徹里帖木兒中奉大夫湖廣省參知政事公以相門世祿初授承務郎直省舍人陞奉訓大夫武備寺丞歷大府監提點至正辛巳冬以奉議大夫來爲監州初下車適立

崑山郡志卷二

七

都水庸田使同開濬河道公受委提調日冒風雪罔憚勞苦而以矜恤爲意故民樂於趨役不擾而事集尤留心學校捐貲率先置造大成雅樂及成此郡志又常施已粟拯被火人戶三百餘家適值亢旱公長齋蔬食曝於烈日以事禱祈因以致疾而不憚也暇日則延儒生講論義理擇善而行惟恐弗及臨民以仁恕稱美政日聞人皆以遠大期之行秉政綱以盡其所蘊

封爵

古之封建分茅列土開國承家授之封爵唯崇位號而

已所以書之者以見國邑之舊也

吳見三國志

婁侯

張昭輔吳將軍

宋

崑山縣開國侯

□□□

崑山縣開國伯

衛涇端明僉樞
兼參知政事

崑山縣開國子

崑山郡志卷二

八

范之柔禮部
尚書

崑山縣開國男

衛涇侍郎

鄭準中奉
大夫

鄭竦奉直
大夫

光緒壬寅東倉書庫依嘉定錢氏本

崑山郡志卷二

同里後學繆朝荃重校刊

崑山郡志卷三

元浦城楊譔履祥纂

進士

吾邦人材之盛在宋嘗出大魁科第相望見之題名爲鄰邑最中雖更世故然弦誦不輟惟今文運肇興郡侯勉勵作成將見名香淡墨歲有其人不使文節輩專美於前也

端拱元年程宿榜

龔識默甫殿中侍
御史

天聖五年王堯臣榜

崑山郡志卷三

一

龔宗元會之識子都官員外郎
龔題名石並不見

嘉祐二年章衡榜

郝亶正夫比部
郎中

治平二年彭汝礪榜

孫載積中朝議大夫
河東通判

熙寧六年余中榜

龔程信民宗元
子

崇寧五年蔡疑榜

龔況潛之程子副都官員外郎
龔題名石並不見

政和五年何棨榜

唐輝子明禮部侍郎

黃偉時俊朝奉大夫

政和八年王嘉榜大昭按宋史重和改元狀元王昂非王嘉誤或又作嘉王更誤

衛閏致虛太學博士朝奉大夫

張德本復之

宣和六年沈晦榜

王葆彥光監察御史

范霄伯達秘書郎

建炎二年李易榜

唐燧子光輝弟朝請大夫

崑山郡志卷三

十一

馬友直伯忠特科宣教郎

紹興二年張九成榜

尤著少蒙承議郎

紹興五年汪應辰榜

郝升卿師古鹽孫朝散郎知常州

范成象至先雲兄之子工部郎中

王嘉彥邦美蘇州志在紹興八年

紹興八年黃公度榜

沈詢嘉問奉議郎知温州瑞安縣今崇明州西沙

紹興十三年陳誠之榜

嚴煥子文題名石不見

袁鼂可久

陳璫器則

鄭希顏君亞

張之才周美特科

紹興十五年劉章榜

李衡彥平侍御史

邊愔德公辯特科第三通直郎

顧聞彥和特科

紹興二十一年趙達榜

崑山郡志卷三

十二

成端亮伯準

紹興二十四年張孝祥榜

陳九思希魯甲科

鄭縝公玉

范成大至能雲子參知政事

樂備功成將作監簿軍器監簿題名石字順之

紹興二十七年王十朋榜

顏度魯子太常少卿兼權工部侍郎

王萬必大孫弟

紹興三十年梁克家榜據冀口云此下有落